

## REGLUGERÐ um hrognkelsaveiðar árið 2019.

### I. KAFLI

#### **Leyfi til veiða.**

1. gr.

*Almennt.*

Allar veiðar á grásleppu í fiskveiðilandhelgi Íslands eru óheimilar nema að fengnu sérstöku leyfi Fiskistofu, skv. 2. gr. Þá er bátum sem hafa leyfi til veiða með krókaflamarki óheimilt að stunda veiðar með rauðmaganetum nema að fengnu sérstöku leyfi Fiskistofu.

2. gr.

*Grásleppuveiðileyft.*

Fiskistofu er heimilt að veita þeim bátum leyfi til grásleppuveiða, sem rétt áttu til slíkra leyfa á vertíðinni 1997, sbr. reglugerð nr. 58/1996, eða leiða rétt sinn frá þeim bátum, enda hafi þeir leyfi til veiða í atvinnuskyni, sbr. lög nr. 116/2006, um stjórn fiskveiða.

Umsækjandi um leyfi skal í umsókn greina hvenær hann muni hefja grásleppuveiðar með lagningu neta ásamt því að tilgreina fjölda hrognkelsaneta og teinalengd nets. Hver bátur getur einungis haft eitt grásleppuveiðileyfi á hverri grásleppuvertíð.

3. gr.

*Veiðisvæði og veiðitímabil.*

Grásleppuveiðileyfi hvers báts skal gefið út til 25 samfelldra daga og skal bundið við ákveðið veiðisvæði og veiðitímabil eins og hér greinir:

- A. Faxaflói, frá línu réttvisandi vestur frá Garðskagavita  $64^{\circ}04,90\text{ N}$   $022^{\circ}41,40\text{ V}$  að línu réttvisandi vestur frá Dritvíkurtanga (-flögum)  $64^{\circ}45,00\text{ N}$   $023^{\circ}55,30\text{ V}$ . Innan veiðitímabilsins frá og með 20. mars til og með 30. júní.
- B. Breiðafjörður, svæði 1 frá línu réttvisandi vestur frá Dritvíkurtanga (-flögum)  $64^{\circ}45,00\text{ N}$   $023^{\circ}55,30\text{ V}$  að línu réttvisandi vestur frá Bjartgöngum  $65^{\circ}30,20\text{ N}$   $024^{\circ}32,10\text{ V}$ . Innan veiðitímabilsins frá og með 20. mars til og með 30. júní. Breiðafjörður, svæði 2 innan línu sem dregin er úr Krossnesvita vestan Grundarfjarðar  $64^{\circ}58,30\text{ N}$   $023^{\circ}21,40\text{ V}$  í Lambanes vestan Vatnafjarðar  $65^{\circ}29,30\text{ N}$   $023^{\circ}12,60\text{ V}$ . Innan veiðitímabilsins frá og með 20. maí til og með 12. ágúst.
- C. Vestfirðir, frá línu réttvisandi vestur frá Bjartgöngum  $65^{\circ}30,20\text{ N}$   $024^{\circ}32,10\text{ V}$  að línu réttvisandi norður frá Horni (grunnpunktur 1)  $66^{\circ}27,40\text{ N}$   $022^{\circ}24,30\text{ V}$ . Innan veiðitímabilsins frá og með 20. mars til og með 30. júní.
- D. Húnaflói, frá línu réttvisandi norður frá Horni (grunnpunktur 1)  $66^{\circ}27,40\text{ N}$   $022^{\circ}24,30\text{ V}$  að línu réttvisandi norður frá Skagatá  $66^{\circ}07,20\text{ N}$   $020^{\circ}05,90\text{ V}$ . Innan veiðitímabilsins frá og með 20. mars til og með 30. júní.
- E. Norðurland, frá línu réttvisandi norður frá Skagatá  $66^{\circ}07,20\text{ N}$   $020^{\circ}05,90\text{ V}$  að línu réttvisandi austur frá Fonti á Langanesi (grunnpunktur 9)  $66^{\circ}22,70\text{ N}$   $014^{\circ}31,90\text{ V}$ . Innan veiðitímabilsins frá og með 20. mars til og með 30. júní.
- F. Austurland, frá línu réttvisandi austur frá Fonti á Langanesi (grunnpunktur 9)  $66^{\circ}22,70\text{ N}$   $014^{\circ}31,90\text{ V}$  að línu réttvisandi austur frá Hvítungum (grunnpunktur 18)  $64^{\circ}23,90\text{ N}$   $014^{\circ}28,00\text{ V}$ . Innan veiðitímabilsins frá og með 20. mars til og með 30. júní.
- G. Suðurland, frá línu réttvisandi austur frá Hvítungum (grunnpunktur 18)  $64^{\circ}23,90\text{ N}$   $014^{\circ}28,00\text{ V}$  að línu réttvisandi vestur frá Garðskagavita  $64^{\circ}04,90\text{ N}$   $022^{\circ}41,40\text{ V}$ . Innan veiðitímabilsins frá og með 20. mars til og með 30. júní.

4. gr.

*Breyting á bátum.*

Sé báti, sem réttur til grásleppuveiða skv. 2. gr., er bundinn við, breytt þannig að hann stækki um meira en 2,5 brúttótonn er óheimilt að gefa út grásleppuveiðileyfi til hans, nema til bátsins hafi verið

fluttur réttur til grásleppuveiða af öðrum báti sem er a.m.k. jafnstór í brúttótonnum talið og sú stækkun sem er umfram 2,5 brúttótonn og af breytingunni leiðir.

Fiskistofu er óheimilt að gefa út grásleppuveiðileyfi til báts sem hefur verið stækkaður þannig að hann mælist staðri en 15 brúttótonn.

#### 5. gr.

##### *Flutningur á rétti til að öðlast grásleppuveiðileyfi.*

Fiskistofu er heimilt að flytja rétt til grásleppuveiða milli báta að uppfylltum eftirtöldum skilyrðum:

- A. Bátur, sem réttur er fluttur frá, hafi nýtt réttinn í a.m.k. eina vertíð.
- B. Bátur sem réttur er fluttur til hafi leyfi til veiða í atvinnuskyni.
- C. Bátur, sem réttur er fluttur til sé að hámarki 2,5 brúttótonnum staðri en sá bátur sem réttur er fluttur frá. Óheimilt er að flytja rétt til grásleppuveiða til báts sem er staðri en 15 brúttótonn. Með beiðni um flutning fylgi skrifleg staðfesting eigenda báts, sem réttur er fluttur frá.

Við sölu báts, sem hefur rétt til grásleppuveiða, fylgir rétturinn bátnum nema um annað sé samið í kaupsamningi eða afsali. Hafi seljandi báts tekið fram í kaupsamningi eða afsali, að rétturinn fylgi ekki með við söluna, hefur seljandinn heimild til að flytja hann á annan bát, að uppfylltum öðrum skilyrðum þessarar reglugerðar.

Tilkynna skal til Fiskistofu, innan 30 daga, ef réttur til grásleppuveiða fylgir ekki báti við sölu hans. Nýti seljandi ekki heimild 1. mgr. til að flytja réttinn á annan bát, næstu tvær vertíðir frá sölu bátsins, fellur rétturinn niður. Sama gildir ef almennt leyfi til fiskveiða í atvinnuskyni er fellt úr gildi. Ákvæði þessarar greinar taka einnig til þess þegar bátur er tekinn af skipaskrá Siglingastofnunar Íslands, eftir því sem við á.

#### 6. gr.

##### *Önnur skilyrði.*

Eingöngu er heimilt að nota þann bát við hrognkelsaveiðar, sem tilgreindur er í veiðileyfi. Um hrognkelsaveiðar krókabáta vísast til reglna um veiðar krókaflamarksbáta. Óheimilt er að stunda hrognkelsaveiðar og aðrar veiðar með öðrum veiðarfærum í sömu veiðiferð. Einig er óheimilt að hafa net til hrognkelsaveiða um borð í báti utan hrognkelsaveiðitíma.

#### II. KAFLI

#### **Tilhögun veiða.**

#### 7. gr.

##### *Veiðítími.*

Óheimilt er að leggja grásleppunet fyrir kl. 08.00 fyrsta dag veiðítímabils. Skylt er að draga öll grásleppunet, sbr. 10. gr., úr sjó fyrir lok leyfistímabils, sbr. 1. og 2. mgr. 3. gr.

Óheimilt að hefja veiðar með yfirtöku hrognkelsaneta í sjó. Merking veiðarfæra skal að fullu frágengin í landi áður en veiðar með hrognkelsanetum hefjast.

#### 8. gr.

##### *Vitjun neta.*

Grásleppunet skulu dregin eigi síðar en 4 sólarhringum eftir að þau eru lögð í sjó. Frá þessu má aðeins víkja ef veður hamrar sjósókn með þeim hætti að ekki reynist unnt að vitja neta enda hafi skipstjóri sent Fiskistofu tilkynningu þar að lútandi á netfangið [grasleppa@fiskistofa.is](mailto:grasleppa@fiskistofa.is). Týni skip hrognkelsanetum í sjó, ber skipstjóra að slæða þau upp. Takist það ekki skal hann tilkynna það Landhelgisgæslu Íslands og Fiskistofu og skýra frá staðsetningu netanna eins nákvæmlega og unnt er.

#### 9. gr.

##### *Netalagnir.*

Að hámarki er hverjum bát heimilt að hafa samanlagða teinalengd neta til hrognkelsaveiða allt að 7.500 metra á vertíð. Netalengd miðast við teinalengd (efri tein/flottein nets). Hverjum bát er einungis heimilt að nota net sömu teinalengdar á hverri grásleppuvertíð.

Óheimilt er að stunda veiðar með rauðmaganetum, sbr. 10. gr. frá 15. júní til 31. desember ár hvert. Óheimilt er að stunda á sama tíma veiðar á grásleppu og netaveiðar á þorskfiski og skötusel.

Frá 1. apríl til 14. júlí má eigi án leyfis varpeiganda leggja net í sjó nær friðlýstu æðarvarpi en 250 metra frá stórstraumsfjöruborði, sbr. lög um vernd, friðun og veiðar á villtum fuglum og villtum spendýrum.

Oheimilt er að stunda veiðar með netum fyrir 7. maí innan svæðis sem afmarkast af eftirfarandi punktum:

1. 64°40,2920' N - 022°26,3902' V
2. 64°37,4641' N - 022°35,4167' V
3. 64°25,3248' N - 022°20,1542' V
4. 64°24,3236' N - 022°06,3790' V
5. 64°28,5891' N - 022°05,6104' V

#### 10. gr.

##### *Netamöskvi.*

Óheimilt er að nota til grásleppuveiða net með minni möskva en 10,5 þumlunga (267 mm). Þá er óheimilt að nota til grásleppuveiða net með stærri möskva en 11,5 þumlunga (292 mm).

Óheimilt er að nota til rauðmagaveiða net með minna en 7 þumlunga (178 mm) möskva og net dýpri en 20 möskva. Þá er óheimilt að nota til rauðmagaveiða net með stærri möskva en 8 þumlunga (203 mm).

#### 11. gr.

##### *Merking lagna.*

Netabaujur skulu vera á báðum endum netatrossu og allar merktar með flaggi, sem komið er fyrir efst á baujustönginni. Á flaggið skal málá umdæmisnúmer eða skipaskrárnúmer þess skips, sem notar netin. Auk þessa skulu allir belgir merktir með umdæmisnúmeri eða skipaskrárnúmeri þess skips, sem notar þá. Merkingar á baujuflöggum og belgjum skulu vera greinilegar og skulu stafir stórir og skýrir. Allar niðurstöður skulu, með varanlegrí merkingu, vera greinilega merktar umdæmisnúmeri eða skipaskrárnúmeri þess skips sem þær notar.

Skylt er að númera netatrossur báta frá einum til þess fjölda trossa sem hver bátur á í sjó. Númer netatrossu skal skráð skýrum tölustöfum á báðum endum trossu.

#### 12. gr.

##### *Bann við veiðum á botnfiski með grásleppunetum.*

Óheimilt er að stunda veiðar á botnfisktegundum með grásleppu- og/eða rauðmaganetum. Verði um óeðilega veiði á botnfisktegundum að ræða þannig að magn botnfiskstegunda í þorskígildum talið sé ítrekað svipað eða meira en magn grásleppu- og/eða rauðmagaflans í þorskígildum talið er. Fiskistofu heimilt að svipta viðkomandi skip leyfi til grásleppu- og/eða rauðmagaveiða.

#### III. KAFLI Eftirlit, viðurlög o.fl.

#### 13. gr.

##### *Veiðiskýrslur.*

Fyrir árslok skal útgerð senda Fiskistofu skýrslu um veiðar liðinnar vertíðar á formi sem Fiskistofa lætur í té. Þá skulu kaupendur á grásleppu samkvæmt hafnarvigtarnótu standa skil á mánaðarlegum vigtar- og ráðstöfunarskýrslum, þar sem fram koma upplýsingar um ráðstöfun á hvelju og hrognum.

#### 14. gr.

##### *Veiðieftirlit.*

Auk eftirlits Landhelgisgæslu með veiðum og veiðarfærum hafa veiðieftirlitsmenn Fiskistofu eftirlit með, að ákvæðum reglugerðar þessarar sé fylgt og er leyfishöfum skyld að gera þessum aðilum kleift að gera þær athuganir á veiðarfærum, sem þeir telja nauðsynlegar.

Nr. 236

7. mars 2019

15. gr.

*Refsingar og viðurlög.*

Brot gegn ákvæðum reglugerðar þessarar varða refsingu samkvæmt ákvæðum laga nr. 79/1997, um veiðar í fiskveiðilandhelgi Íslands og laga nr. 116/2006, um stjórn fiskveiða. Með mál út af brotum skal farið að hætti sakamála.

Fiskistofu er jafnframt heimilt að svipta báta heimild til veiða á grásleppu eða rauðmaga í tiltekinn tíma vegna brota á reglum um hrognkelsaveiðar, sbr. ákvæði laga nr. 79/1997, um veiðar í fiskveiðilandhelgi Íslands.

16. gr.

*Gildistaka.*

Reglugerð þessi er sett samkvæmt lögum nr. 79/1997, um veiðar í fiskveiðilandhelgi Íslands og lögum nr. 116/2006, um stjórn fiskveiða. Reglugerðin tekur þegar gildi.

Við gildistöku þessarar reglugerðar fellur úr gildi reglugerð nr. 270/2018 um hrognkelsaveiðar 2018.

*Atvinnuvega- og nýsköpunarráðuneytinu, 7. mars 2019.*

**Kristján Þór Júlíusson**

sjávarútvegs- og landbúnaðarráðherra.

---

*Jóhann Guðmundsson.*

---

B-deild – Útgáfud.: 8. mars 2019